



Kev Npaj Rau Thaum Muaj Tej Huab Cua Tsis Zoo Nyob Rau Lub Caij Ntuj No

Tsoom Fwv Tsev Kawm Ntawv Nroog Xees Phos (SPPS) yuav mloog ntsoov kev tham txog huab cua hauv National Weather Service kom paub hais tias yuav txiav txim siab li cas thiaj yog qhov zoo tshaj rau peb cov tub ntxhais kawm ntawv, neeg ua hauj lwm thiab cov tsev neeg.

Kev Kaw Tsev Kawm Ntawv Thaum Lub Caij Ntuj No

Tsoom Fwv Tsev Kawm Ntawv Nroog Xees Phos yuav kaw tag nrho tsev kawm ntawv cov chaw ua hauj lwm, cov tsev kawm ntawv thiab khoos kas thaum no no heev xws li cua txias, los daus loj, daus nkoog, kev phem tsis zoo rau tsav tsheb los sis lwm yam huab cua uas phem heev.

COV KHOOS KAS YUAV KAW MUAJ XWS LI NRAM QAB NO:

- **Kev kawm thiab cov khoos kas hauv txhua lub tsev kawm ntawv qib PreK txog 12.**
- **Khoos kas qhia ntawv tshwj xeeb rau cov me nyuam uas tseem yau (ECSE)**
- **Cov khoos kas ua ntej thiab tom qab lawb ntawv thiab tej yam uas muaj kawm tom qab lawb ntawv** (Flipside, Community Education Youth Enrichment, Extended Day for Learning (EDL), lwm yam)
- **Tsev kawm ntawv cov rooj koom txoos** (kev tawm mus kawm sab nraud, qhib tsev kawm ntawv rau sawv daws mus ncig saib, kev sib tham, lwm yam)
- **Tsis muaj kev xyaum ua kis las. Qhov yuav kaw kev ua kis las thiab kev sib tw yog yuav muab xyuas seb yam kis las twg thiaj tsim nyog kaw.** Cov sij hawm uas raug pauv lawd muaj nyob rau hauv spps.org/sports.
- **Tag nrho cov kev kawm hauv zej zos thiab tej yam uas muaj ua raug muab ncuu lawm.** Mus saib hauv spps.org/commed kom paub ntxiv.
 - Khoos kas Discovery Club
 - Khoos kas qhia ntawv rau cov me nyuam uas tseem yau thiab tsev neeg (ECFE)
 - Kev kawm thiab khoos kas qhia ntawv rau cov hluas (kawm ua luam dej, kawm tsav tsheb, lwm yam)
 - Kev kawm thiab khoos kas qhia ntawv rau cov laus
 - Khoos kas qhia ntawv tshwj xeeb rau cov laus (SEED, CLEAR, Culture Club, lwm yam)
 - Hubbs Center
 - East Side Hub@Harding
 - Como Planetarium
- Khoos kas qhia ntawv them siab thaum yav tsaus ntuj (Evening High School)
- Lwm yam kev cheem pab uas tsis yog muab ncuu ntawv (Alternative to Expulsion Program [A2E])
- **Tej yam uas tsev neeg muaj ua** (kev kawm rau niam txiv, Parent Advisory Council cov rooj sib tham, lwm yam)
- **Cov rooj sib tham thiab kev ua ub no ntawm cov koom haum** (YMCA, Girl Scouts, kev pab qhia ntawv, thiab lwm yam) uas tau kev tso cai siv SPPS cov chaw raug muab ncuu lawm. Yog muaj lus nug, hu rau tus neeg khiav dej num.

Qauv Kaw Tsev Kawm Ntawv Thaum Lub Caij Ntuj No

NO HEEV

No heev los sis cua txias

- Yuav kaw tsev kawm ntawv yog cov kws saib huab cua pom hais tias tag kis thaum 6 teev sawv ntxov:
 - [Cua](#) yuav txias txog tshaj li ntawm -35 degrees Fahrenheit **LOS SIS**
 - No tshaj -25 degrees Fahrenheit **
- Yog hais tias yuav kaw tsev kawm ntawv, peb yuav txiav txim siab tsis pub dhau 6:30 p.m. hmo ua ntej.

DAUS LOJ

Los daus loj, daus nkoog, los sis kev phem tsis zoo rau tsav tsheb

- Tsev kawm ntawv yuav kaw yog hais tias los daus loj thiab/los sis kev nplua heev ua rau tsev kawm ntawv cov npav tawm tsis tau mus tos cov me nyuam thiab ua rau cov neeg ua hauj lwm tsav tsis tau tsheb mus ua hauj lwm yam nyab xeeb lug.
- Yog hais tias yuav kaw tsev kawm ntawv, peb yuav txiav txim siab ua ntej 5 a.m. tag kis uas yuav kaw tsev kawm ntawv ntawd

*Qhov uas qhia hais tias huab cua yuav zoo li cas yog muab los ntawm lub [National Weather Service](https://www.weather.gov) | ** Cov tsheb npav uas siv cov roj diesel tej zaum yuav tiv tsis tau cav los yog tiv tau cav nws yuav khiav tsis taus yog hais tias huab cua no tshaj li -25° F.



Kev Kaw Cov Khoos Kas Tom Qab Lawb Ntawv

Tej zaum Tsoom Fwv Tsev Kawm Ntawv Nroog Xees Phos yuav txiav txim siab kaw tej yam uas muaj ua tom qab lawb ntawv thaum pom tias ib tsam huab cua tseem yuav phem tshaj qhov qub tuaj rau hnuv ntawd. Yuav muaj kawm ntawv li qub rau cov khoos kas kawm ntawv thaum yav tav su xws li khoos kas Pre-K thiab khoos kas qhia ntawv tshwj xeeb rau cov me nyuam tseem yau (ECSE), thiab yuav muaj kawm ntawv rau thaum yav nruab hnuv li ib txwm.

COV KHOOS KAS YUAV KAW MUAJ XWS LI NRAM QAB NO:

- **Cov khoos kas ua ntej thiab tom qab lawb ntawv thiab tej yam uas muaj kawm tom qab lawb ntawv** (Flipside, Community Education Youth Enrichment, Extended Day for Learning (EDL), lwm yam)
- **Tsev kawm ntawv cov rooj koom txoos tom qab lawb ntawv** (kev tawm mus kawm sab nraud, qhib tsev kawm ntawv rau sawv daws mus ncig saib, kev sib tham, lwm yam)
- **Tsis muaj kev xyaum ua kis las. Qhov yuav kaw kev ua kis las thiab kev sib tw yog yuav muab xyuas seb yam kis las twg thiaj tsim nyog kaw.** Cov sij hawm uas raug pauv lawd muaj nyob rau hauv spps.org/sports.
- **Txhua qhov khoos kas Discovery Club yuav muaj qhib kom txog thaum uas cov niam txiv tuaj tos lawv cov me nyuam tas lawm.**
- **Cov kev kawm hauv zej zos thiab tej yam uas muaj ua nram nov raug muab ncuu lawm.** Mus saib hauv spps.org/commed kom paub ntiv.
 - Kev kawm thiab cov khoos kas qhia ntawv rau cov hluas (kawm ua luam dej, kawm tsav tshab, lwm yam)
 - Khoos kas qhia ntawv rau cov me nyuam uas tseem yau thiab tsev neeg (ECFE)
- **Qhov yuav kaw lwm cov kev kawm hauv zej zos yog yuav muab xyuas seb yam twg thiaj tsim nyog kaw.** Yog xav paub, hu ncaj nram rau qhov khoos kas los sis mus saib hauv spps.org/commed.
 - Kev kawm thiab khoos kas qhia ntawv rau cov laus
 - Khoos kas qhia ntawv tshwj xeeb rau cov laus (SEED, CLEAR, Culture Club, lwm yam)
 - Hubbs Center - Adult Basic Education (ABE)
 - East Side Hub@Harding
 - Como Planetarium
- **Khoos kas qhia ntawv them siab thaum yav tsaus ntuj** (Evening High School)
- **Tej yam uas tsev neeg muaj ua** (Kev kawm rau niam txiv, Parent Advisory Council cov rooj sib tham, lwm yam)
- **Cov rooj sib tham thiab kev ua ub no ntawm cov koom haum** (YMCA, Girl Scouts, kev pab qhia ntawv, thiab lwm yam) uas tau kev tso cai siv SPPS cov chaw raug muab ncuu lawm. Yog muaj lus nug, hu rau tus neeg khiav dej num.

Qauv rau kev kaw tej yam uas muaj ua tom qab lawb ntawv thaum huab cua tsis zoo

- Yog hais tias yuav muab tej yam uas muaj ua tom qab lawb ntawv kaw, peb yuav txiav txim siab ua ntej 12 teev tav su rau tib hnuv ntawd.

*Qhov uas qhia hais tias huab cua yuav zoo li cas yog muab los ntawm lub National Weather Service | ** Cov tshab npav uas siv cov roj diesel tej zaum yuav tiv tsis tau cav los yog tiv tau cav nws yuav khiav tsis taus yog hais tias huab cua no tshaj li -25° F.

Peb yuav hu xov tooj, sau email thiab sau ntawv xa hauv xov tooj (text) los qhia rau cov tsev neeg thiab neeg ua hauj lwm hauv tsev kawm ntawv paub, thiab yuav muab teev qhia rau hauv tsev kawm ntawv cov websites thiab spps.org. Peb kuj yuav hais mus rau cov chaw muab xov xwm hauv zos kom muab tshaj tawm thiab (T.V., ntawv xov xwm, xov tooj cua).